

D. D.
DISSERTATIO GRADUALIS,
HYPOTHESEN
LEIBNITIO-WOLFIANAM
DE
PERMISSIONE
MALI,
LEVITER EVOLUTAM ET EXAMINATAM
SISTENS,
—
QUAM,
CONSENS. AMPL. FAC. PHIL. In ILLUSTRI ACAD.
ABOENSI,
SUB PRÆSIDIO
VIRI MAXIME REV. ET CELEBERRIMI,
D:NI M:AG. WILHELM
ROBERTI NÅÅF,
Log. & Metaph. PROFESS. Reg. & Ordin.
Publicæ Bonorum Dispuitioni subjicit
JOHANNES SIMELIUS,
Ostrobothniensis,
In AUDIT. MAJORI Die XXII Junii AN. MDCCCLXXVIII.
H. A. M. S.

ABOÆ
Impressit JOH. CHRISTOPH. FRENCKELL,
Reg. Acad. Typogr.



Ut profanorum hominum, in primis vero *Pet. Belii*,
cavillationibus, contra providentiam Dei circa ma-
lum directis, pro virili obviam iretur, conatus est
illustris *Leibnitius*, & qui ejus premit vestigia, Celeberrimi-
mus *Christ. Wolfius*, non modo ostendere, quod *Deus*, salvis
perfectionibus suis peccatum permiserit, verum etiam
rationem permissionis simul designare. Nimirum, qui
peccati permissionem cum Divinis perfectionibus conci-
liare, nimis difficile judicant, illos arbitrantur eo potis-
simum falli, quod humani generis felicitatem, tanquam
unicum finem, a *Deo* intentum, spectent; cum tamen fi-
nes Divini latissime pateant, nec creaturas tantum ratio-
nales, sed & reliquas in universum omnes complectan-
tur. Jubent igitur attendere finem Dei totalem, univer-
si nempe operis Divini summam, quae obtainere potuit,
perfectionem. Hæc, cum in idea sua malum, & morale,
& physicum, includat; unicam rationem, cur malum
utrumque Deus permiserit, hanc esse putant, quod nisi
mundus malum sibi innexum haberet, non optimus suis-
set ac perfectissimus.

§. I.

Prius igitur, quam ulterius in gravi hac & difficulti
materia progrediamur, mens horum Philosophorum de
mundo optimo ex propriis eorum scriptis explicanda &
paucis proponenda venit. Mundum *Leibnitius* vocat to-
tum seriem totumque collectionem omnium existentium;
hanc

¶ E (¶)

hanc addens rationem, ne quis dicat, mundos plures existerre potuisse diversis temporibus & locis, nam omnes simul pro uno mundo, vel si mavis, pro uno universo computandi forent (a). Vocabulo igitur mundi designat non tantum substantias rerum, nec solos naturales & necessarios corporum motus, verum etiam ipsas creaturarum liberas actiones, quas omnes tanquam partes, mundum ingredientes, concipit; ita ut, si vel minimum aliter contingenteret, quam ipso actu contingit, mox interrumpetur series rerum, ante coherentium, nec amplius idem mundus foret. Hæc omnia breviter expressurus *Wolfius*, mundum definit per seriem entium finitorum, tam simultaneorum, quam successivorum, inter se connexorum (b).

(a) *Theod.* §. 8. (b) *Cosmol.* §. 48.

§. III.

Mundum ita conceptum Duumviri isti omnium possibilium optimum statuunt. Nemo enim nescit, inquietunt, saltem negare potest nemo, *Deum amare* & velle omne bonum, idque pro gradu veræ bonitatis, in eo comprehensa. Nisi enim, ratione appetitus, objecta distinguenterentur; eadem & æqualia faceret voluntas, quæ diversa & inæqualia judicat intellectus; quod manifestum inter attributa Divina inferret dissensum, absolutæ eorum perfectioni contrarium. Minus itaque bonum, Sapientissimum Numen non præfert majori, nec optimo ullum. Ubi igitur ex pluribus possibilibus unum eligit, eligit id, quod omnium optimum est, quod summa sapientia voluntati optimæ, ut convenientissimum, proponit. Jam vero Deus ex omnibus possibilibus hunc nostrum elegit mundum, & ita quidem elegit, quemadmodum fert adæquata *Ejus cognitio*,

quæ totum respicit, & omnes ejus partes, earumque diversas habitudines, innumerabiles combinationes, hinc oriundas perfectionum exceptiones, & exceptionum deinde moderationes, simul comprehendit. Ergo hic mundus, quoad omnes effectus, tam physicos, quam morales, eorumque consequentias, periodos & status, seu in toto suo ambitu, consideratus, omnium possibilium optimus est & perfectissimus.

§. IV.

Dicunt præterea, & nos credere jubent, tanti momenti hoc esse dogma, ut cum eo stet cadatque gloria Dei, laus Perfectionis, Bonitatis ac Sapientiae Ejus, ut summæ. Immo humanæ etiam tranquillitatis, fiduciae in Deo & acquiescentiæ id fulcrum esse putant, si non unicum, at optimum tamen, & omnium præstantissimum pariter ac solidissimum. (a) Addunt, speculum gloriæ Dei, signum Intellectus perfectissimi, Voluntatis optimæ, Potentia maximæ, Sapientiæ summæ, mundum non esse, si non sit omnium possibilium optimus. (b) Quid, quod, parum abest, quin dicant aliqui, verum Deum eos colere non posse, qui hanc negant doctrinam (c).

(a) Caus. Dei § 46. 48. 67. (b). Wolf. Theol. Nat. P. 1. §. 326, 400. 403. 608. & P. II. § 369. 365. (c) Herbart In Kurtzen Erveis &c,

§. V.

Verum enim vero, licet philosophis his Celebratissimis mirum quantum placeat hypothesis de mundo optimo; illam tamen, quounque demum pingatur minio, sobrii philosophi suffragio plane pleneque indignam judeca-

dicamus. Quod quidem ut extra omnem ponatur dubitationis aleam, non multis differemus, an tuto satis dicitur, malum perfectionibus mundi admixtum non impedire, quo minus is sit ceteris omnibus, etiam eo, qui malo caret, perfectior. Facile hoc obtinerent, si, quod conatur Wolfius (*a*) evincere possent, ne possibilem quidem esse mundum, omni destitutum malo. Ast Wolfius l. c. physicum tantum malum designat; loquitur enim de serie rerum corporearum, ita connexa, ut nihil inde scaturiat adversi. Hanc possibilem esse vel negat, vel saltem dubium ac incertum putat, quia innumerabiles mundi partes, earumque combinationes animo complecti, negotium est, mentis vires longe superans; frustra vero, si Wolfium audimus, ad omnipotentiam Divinam provocatur, nisi talem mundum possibilem esse, antea fuerit demonstratum. Haud diffitemur quidem, mortaliū neminem esse unum, qui omnes partes mundi, maximas, minimas, in numerato habeat, earumque complicatam connexionem distincte perspiciat; at tuto inde colligi posse ad impossibilitatem seriei, in qua omnia non interrupto ordine & harmonice conspirent ad finem ultimum, id vero negamus omnino & pernegamus, contendentes, possibilitatem rei temere in dubium vocari, nisi demonstrata, quam involvere ponitur, manifesta idearum pugna. Multo minus suspicari licet, rem esse impossibilem, ubi ne species quidem contradictionis appareat. Qualem cum nec idea mundi, a malo, tam physico, quam morali, liberi, prae se ferat, non est, quod de possibiliitate ejus dubitemus. Concedere hanc videtur ipse Leibnitius, saltem nusquam, quod nemini, dixit talem mundum absolute impossibilem esse; urget tantum, eundem nostro haudquaquam esse meliorem; cum alias fieri non potuisse, quin Deus, quæ summa Ejus est sapientia, illum elegisset. Pessime vero rem suam agit, dum,

hanc hypothesin ut eo felicius tueretur, passim in immi-
nuenda mali magnitudine, vulgo persuasa, quantum potest,
maxime laborat, existimans, mala bonis comparata, vel
numero, vel gravitate, multis gradibus esse inferiora. Ita,
cum in scenam provocasset Bælium, pleno clamitantem
ore, hominem esse pravum & infelicem, ubique esse
carceres & nosocomia, historiam nihil esse, nisi crimi-
num & infortuniorum generishumanæ epitomen; respon-
det demum: *Arbitror hæc exaggerate dici; multo plus
boni in vita hominum est, quam mali.* Neque hæc ad com-
moda tantum restringit; nam virtutis vitioque compara-
tionem instituens, haud obscure significat, plus virtutis,
quam vitii in humana vita deprehendi, nec homines
crebrius peccare, sed historicos vitia hominum studio-
sius, quam virtutes, persequi. (b) Haud dissimilem pro
genere humano apologiam alio profert loco, ubi cum
graviter etiam reprehendisset acutissimum Bælium, de
regnante vito, virtute autem modica prorsus & infre-
quenti, querelas ingeminantem; addit tandem: *immo
nec inter homines quidam tantum est mali & improbitatis,
quantum passim creditur.* Soli homines indolis malignæ, aut
*Misanthropi, pravitatem ubique reperiunt, & optimas qua-
que actiones finistris interpretationibus depravant.* (c) Ne-
que mirum, hæc talia ab illustri viro confidentissime as-
seri, cum eo quoque procedat audacie, ut sibi aliisque fi-
dem facere conetur, *malum, bona comparatum, pro nibilo
baberi posse, si vera civitatis Dei magnitudo perpendatur,*
h. e. ipso interprete, si in censem veniant omnia bona,
in toto obvia univerlo, quod præter hunc terraqueum,
alios quoque globos, creaturis intelligentibus plenos, am-
bitu suo comprehendit. (d) Sed transeat hæc.

(a) Cog. Rat. § 1058 & 1061. (b) Theod. § 148.

(c) Ibid. § 220. (d) Ibid. § 19 & 123.

§. VI.

Supra vidimus § II, malum ita mundi optimi ideam ingredi, ut sine eo mundus plane non esset optimus. Qualis autem hæc sit mali necessitas, utrum qualis intercedat inter causam & effectum, inter medium & finem, an vero, necessariæ conditionis tantum sine qua non vim habeat, id non perspicue satis significant. Certe Leibnitius ipse hic parum constanter loquitur. Est enim, ubi malo titulum causæ, intuitu boni, quod obtinetur, tribuit (*a*); licet non satis mentem suam exponat, quale malum intelligat. Alio autem loco, morale illud malum instar medii esse docet ad obtinendum bonum, vel impediendum aliud malum (*b*). Rursus Metaphysica & Physica mala a Moralibus distingvens, illadicit, nonnunquam esse subsidiaria bona, & quasi media asequendi bona majora: hæc vero concedit tantum esse conditiones, sine quibus non obtinetur bonum (*c*); mediorum vero rationem habere negat; cum alibi tamen diserte statuat, malum in partibus ad majus bonum in toto conferre posse, & apparentes mundi defectus, adeo mundi pulchritudinem non minuere, ut potius augeant, & majus bonum procurando, ad illam conferant (*d*). Neque hac in re a Leibnitio discedit Wolfius, durius licet ab illo enunciata mitigare studeat, hæc & similia cautissime summaque præcisione scribens: *Quum hic mundus sit omnium possibilium perfectissimus, adeoque, si mutetur, non possit mutari in melius, sed mutetur necessario in deterius; sublatto malo physico & morali ex tota hac rerum serie, ipsa hæc rerum series permanere nequit omnium possibilium perfectissima* (*e*): *Mala physica & moralia ita implicantur bonis, ut, si mala inde auferre velis, bona una cum ipsis auferas* (*f*): *Immo, malum physicum & morale non obstat, quo minus hic mundus sit perfectior omnibus possibilibus, sed potius* *buc*

buc facit, ut maxima huic rerum seriei sive mundo insit perfectio, quæ eidem inesse potest, & fini a Deo intento, manifestandæ nimis glorie sue, i. e. perfectioni summae, omnium maxime conveniat g): Malum ergo morale permittere decrevit, ne excideret fine a se intento (b): Dirigit quoque Deus malum morale ad bonos fines, & hoc ipso idem pertinet per accidens ad decorum universi, & ad maiorem ejus perfectionem facit (i). Plura non addam, cum ex locis jam allatis, cuivis, ad rem ipsam vel parum adtentanti, satis patet, malum physicum non minus, quam morale, ad mentem Wolfii, rationem habere, si non medii, conditionis tamen sine qua non mundi optimi.

- (a) Theod. §. 10. (b) Ibid. § 24. (c) I. c. § 158 & Caus. Dei § 36. (d) Theod. § 239. (e) Theol. N. P. I. § 556. (f) Ibid. § 675. (g) I. c. §. 617. & 673. (h) Ibid. § 622. (i) I. c. p. 536.

§ VII.

Jam periculosa consecratio, quæ ex hypothesi de necessaria connexione inter malum & mundum optimum, tanquam impuro fonte, non per obliquos anfractus, sed directe, nec tam prono, quam rapido fluunt alveo, in proclivi est animadvertere. Quod si enim malum ita adhæreat mundo optimo, ut sine ejus praesentia plane non potuerit optimus esse, alterutrum certe necesse est, aut malo medii rationem, aut conditionis sine qua non tribuere. Et sane prius illud videtur Leibnitianis hypothesis magis consentaneum. In illo enim systemate mundi, ubi omnia finguntur connexa per media & fines, singula cum omnibus, & omnia cum singulis, ita ut minima quævis mutatio dependeat a toto mundo, & totum univer-

universum vicissim a minima illa mutatione; ibi mihi videntur antecedentia quævis, in ordine ad ea, quæ in eadem serie sequuntur, non nudæ conditionis, sed veræ causæ, proximæ, vel remotioris, rationem habere. At quocunque demum titulo malum, intuitu optimi mundi, insigniatur, valebit consequentia: eum, qui eligit aliquid, cum quo alterum ea necessitate connexum est, ut sine hoc, illud plane obtineri nequeat, non posse sine absurdâ appetitus pugna cum semetipso alterum ab altero, volendo divellere. Quod si igitur Deus elegerit hunc mundum, tanquam optimum; cum hoc autem indissolubili nexu ita cohæreat malum, ut illo absente, desineret mundus optimus esse; profecto non magis potest malum repudiare, quam optimum mundum simul velle & non velle. Ast consequentiam hanc impiam una quasi litura delere conatur Bilfingerus, obvertendo non causalem, sed individualem esse propositionem, dum dicitur, mundum cum malo optimum esse: *Num recte, inquit, colligo? Deus vult optimum mundum propter perfectiones ita comprehensas: igitur perfectiones vult.* *Deus vult optimum mundum, non obstantibus partium imperfectionibus: ergo imperfectionum illarum permissionem vult.* Jam, si placet, argue similiter: *Deus vult optimum mundum propter imperfectiones: ergo vult imperfectiones.* Nego assumptum. *Deus vult optimum, non obstantibus imperfectionibus intermisisti: ergo vult imperfectiones.* Nego consequentiam &c. (a) Exceptio hæc principalis ac speciosa omnino est, utpote qua festinans animus ita capit, ut putet, nihil in ea vitii esse, assensum ergo eidem denegari haud posse. Sed noli præcipitare iudicium; expende potius, non id tantum inferre adoptatam hypothesin, quod mundus cum imperfectionibus esse possit optimus; verum etjam plane pleneque negare, mundum sine imperfectionibus optimum esse. Non igitur subsumi debuerat: *Deus vult optimum mun-*

dum, non obstantibus imperfectionibus; verum ita potius: Deus vult optimum mundum, qui sine imperfectionibus optimus esse non potuit. Sic autem, si fallor, recte concluditur: ergo non solum imperfectionum permissionem, earumque ad fines praefixos directionem, sed ipsas etiam imperfectiones vult. Neque enim ad exponendam rationem, cur malum permittatur, quicquam valebit ingeniosa illa Leibnitii hypothesis (vid. §. I.), nisi presentiam mali in optimo mundo plane necessariam esse, ponatur. Si enim possibilis est mundus, a malo immunis, idemque summo gradu perfectus, non amplius dici potest, malum ideo esse permisum, ut obtineretur mundus perfectissimus, citra hanc conditionem non obtainendis. Quousque igitur memorata fingitur mali necessitas, nunquam, opinor, declinari poterit consequentia: Deum velle malum, si non separatim, & in te spectatum, attamen quatenus consideratur in nexo illo necessario cum optimo mundo; velle enim aliquid, & simul nolle id, sine quo prius illud frustra voluntus, est stulte & contradictorie velle. Quicquid igitur negent Leibnitiani, ex hac tamen eorum sententia arbitror vere sequi, Deum nunquam serio intendisse absentiam mali, & perseverantiam creaturarum in bono. Quomodo enim id intenderet, quod non posset obtainere, nisi mundum non optimum admittendo, sapientiae leges violaret? Non igitur vere odit, non serio prohibet peccatum, non modo, Deum decenti, illud impedit; contraria potius omnia, non supicari licet, sed statuere necesse est. Quid, quod, stante hac hypothesi, plus obvincent isti philosophi, quam optare eos spero, inter Deum nempe & homines non dari veri nominis peccatum. Profecto, aut me omnia fallunt, aut ex eorum placitis ita inferre licet: Mala moralia non obstant, quo minus in mundo, „qui existit, major sit perfectio, quam in ceteris possibilitybus, quin potius, salva summa eiusdem perfectione, auferri

ferri minime possunt. Quam ob rem mundum non efficiunt imperfectiorem, quam foret, si quidem abessent. Quoniam igitur in relatione ad mundum integrum, malum dici nequit quidquam ad ipsum spectans, nisi quantum eundem reddit imperfectiorem, quam foret, si quidem ipsum abesset; malum morale in relatione ad integrum mundum non est malum (*b*). Porro: Deus de malo morali non judicat, nisi in relatione ad totum mundum, nec illud deinceps ad se refert, nisi quatenus spectatur ad totum mundum relatum (*c*). Sed malum morale, in relatione ad integrum mundum, non est malum (per demonst.). Ergo de malo morali judicat, quod non sit malum, & eodem modo illud ad se refert. Quanta autem in hoc uno dogmate sit infania, omnisque veritatis arduæ & gravis per totum religionis ambitum consumata eversio, nunc non dicam, paucis quia dici nequit. Dixisse sufficiat, non vera, sed oppido falsa esse principia, quæ ad eam periculosa & impia consecataria recta nos deducunt via.

(*a*) Tract. de Orig. & Perm. M. § 422. (*b*) Wolf. Theol. Nat. p. I. § 563. (*c*) Ibid. § 573. in not.

§. VIII.

His ita factis transactisque, breviter strictimque excutiamus rationes, pro hypothesi Leibnitio-Wolfiana de permissione Mali, § I. adductas, quarum vis & nervus hic credit: Mundus hic existens est individuum, h.e. omnimode determinatus. Quare, si vel minima abesset determinatio, non amplius idem, sed alius foret mundus. Sed hic mundus, in toto suo ambitu spectatus, est omnium possibilium optimus § III. Quam ob rem, scilicet inter-

ceteras hujus mundi determinationes, etjam obtinet malum, creaturatum vitio introductum, ejusque permisso, mundus sine malo ejusque permissione foret imperfectior. Quam verum igitur est, imperfectius perfectiori per sapientiae regulas præferri non posse; tam certum quoque haberi debet, Deum ideo permisso malum, ut mundum obtineret inter omnes possibles optimum. Sed pura pura æquivocatio hac argumentatione utentibus præsidio est. Cum enim sub notione mundi comprehendant non modo substantias, verum etjam omnia earum accidentia, physica & moralia, bona & mala § II; facile patet, electionis vocabulum, pro diversitate eorum, quæ ad mundum referuntur, etjam diversam postulare interpretationem. Substantiae a Deo conditæ, una cum omnibus suis potentissimis viribus agendi, omnibusque illis mutationibus, quas per leges, in natura positas, & ex creatoris instituto subeunt, proprie, & secundum usum loquendi receptum, mundum constituunt: & mundus hoc sensu acceptus, ut opus est filius Dei, ita vere dicitur a Deo electus. Quod si vero liberas creaturæ actiones cum iis, quæ ad hoc ipsum opus pertinent, in unam quasi-compaginem confundere velis; non amplius licebit mundum pro opere filius Dei venditare; neque adeo illum, in toto suo ambitu consideratum, a Deo electum, id est, omnibus aliis mundis prælatum, & tanquam optimum, a Deo approbatum fingere, nisi juxta dicere volueris, Deum omnia illa, quæ in mundo occurrunt, mala, adeoque ipsa etjam peccata, elegisse & approbasse; quod dictum tamen plane impium est. Electio igitur mundi, in ista latitudine sumti, Deo tribui nequit, nisi hic sit verborum sensus, quod illum, sub tristi malorum facie ab æterno prævisum, ad existentiam admiserit, vel, quod eodem recidit, non impedierit, quo minus creaturæ per abusum libertatis mundum malo macularent. Idque unum docet

cet eventus, ad quem, tanquam ultimum hac in re principium, provocat Leibnitius, ejusque assertio. Sed num ex tali electione rite ac suffcienter probari poterit, optimum hunc mundum esse, & quia, tanquam optimus, malum complectitur, non potuisse non malum a Deo permitti? Miror non animadvertis, sic totam argumentationem in vitiosum abire circulum. Summa enim conclusionis haec est: Deus nisi aternas sapientiae leges migrare voluerit, non potuit non malum permettere. Unde vero haec constat permissionis necessitas? Ex eo, inquit, quod malum ad ideam hujus mundi, ut optimi, pertineat. Ast, unde evincitur, hunc ipsum mundum esse optimum? In promptu est responsio, quia est a Deo electus. Quod si jam, ut nuper ostensum est, mundi, malum complectentis, electio, nullo tolerabili sensu Deo tribui possit, nisi electio idem significet, ac permissione, sive Divinum decretum de non impediendo malo, in mundum irrepente; resolvitur tandem tota argumentatio in hanc identicam propositionem: Deus per aternas sapientiae leges non potuit non permettere malum, quia per easdem illud necessario permisit. Aut igitur ostendent Leibnitio-Wolfiani, aliam vocabuli electionis significationem, absque manifesta absurditate, hic locum habere; aut, si id nequeant, uti certo nequeunt, fatebuntur tandem, operosa illa demonstratione nihil demonstrari.

§. IX.

Verum enim vero, cum nihilo secius, non semel, nec parum, gloriantur Leibnitiani, causam Dei circa permissionem mali contra Libertinos non posse defendi, nisi statuatur, eum malum permisisse ob maiorem perfectiōnem mundi, & obtainenda plura bona, quam sine malis obtineri potuissent; paucis discutere lubet formidabiles & invictas illas rationes, propter quas nos, tanquam ine-

postmilitates, ex acie rejiciunt, nisi eorum sequamur vexillia. Si Deus, inquit, prævidit fore, ut creature concessa sibi libertate in extremam sui perniciem abuterentur, cur libertatem dedit? cur datam potius non revocavit? cur libertatem permisit ruere in mala, cum potuisset absoluta sua virtute id antevertere & impedire? cur illam sibi reliquit sub his circumstantiis? Non sufficit dicere: reliquit, quia dedit. Quare, cur dederit? eadem tandem quæstione extorqueo tibi responsum, quod hactenus exspecto, scilicet ideo dedit, quia convenientius fuit dare, quam non dare; & sic ideo permisit, quia convenientius fuit permittere, quam impedire. Et hæc ipsissima illa est responso, quam in systemate Leibnitiano damus (a). Idem etiam nos confidentissime statuimus: nisi melius h. e. Divinis perfectionibus dignius fuisset, peccata & insequentia mala permittere, quam impedire; impeditivislet sane, non permisisset Deus. Sed juxta contendiimus, ad hoc probandum nobis non impositam esse necessitatem configiendi ad periculosam illam hypothesin de mundo unice optimo; cum vel sola idea Dei, tanquam entis perfectissimi, id ipsum extra omnem ponat dubitationis aleam. Sic jam diu quoque est, quod eruditii, ex aliis principiis, quam quæ systemati Leibnitiano propria sint, Libertinorum dubia adeo solide confutarunt, ut eos in pudorem prorsus dedisse videantur. Scilicet, ut tribus defungar verbis, dum postulant, ut eximum libertatis privilegium creaturis vel primitus non concederetur, vel concessum subtraheretur, Deo utique probrose objiciunt, quod non angelos pariter ac homines, vel stipites truncosve, omni activitate & potentia in utramlibet se vertendi partem destitutos, creaverit; vel saltum dum immineret peccandi periculum, non in brutas ejusmodi substantias verterit. Verum enim vero, si hoc consilium arripuissest Deus, quem, quæsto, tandem creati mundi finem, Creatore suo dignum, vel mente concipere licet?

quale

quale specimen bonitatis, deficientibus illis, qui fui, & be-
neficii sibi collati, consciî essem? Quorum pertinerent
tot numero & magnitudine stupenda infinitæ sapientiæ
pariter ac potentiae monumenta? si nemo esset, qui a-
nimadverteret, nemo, qui pio percelleretur stupore.

(a) Bif. Dilucid. Phil. § 485.

§. X.

At pergunt Libertini regerendo: adum voluntatis, in
malum ruantis, potuisse saltē per suasionem & inspiratio-
nem extraordinariam seu miraculosam ita impediri, ut sar-
ta nibilominus & tecta mansisset libertas. Ad hanc in-
stantiam pro virili infringendam non omnes unam ean-
demque ingrediuntur viam. Ill. Wolfius (a) ideo negat, „
malum potuisse a Deo per miraculum averti, quod,,
repugnet, velle Deum, ut hic mundus existat, & tamen,,
propter interveniens miraculum ea in mundo non con,,
tingant, quæ indoli ejus convenient; addens, miracula,
folius potentiae documenta esse, nec nisi unius rei noti,,
tiam requirere; opera vero Divina, quæ consuetum na,,
turæ ordinem sequuntur, non potentiam modo, verum etiam,,
omniscientiam & sapientiam Dei loqui. Sed mihi non,,
contigit, adeo esse perspicaci, ut repugnantiam memora-
tam animadvertere possim, nisi fingatur, communem na-
turæ cursum quibusvis miraculis semper & sine exce-
ptione præferri, adeoque Divinitus decretum esse, ut o-
mnes mundi eventus ordinarias naturæ leges sequantur;
quo posito, contradictionem demum involveret, non mo-
do si Deus malum miraculo tolleret, verum etiam si ob
quemcumque finem, a communi naturæ ordine receden-
do, quid per miraculum faceret; quod quam sit absonum,
nemo non videt. Neque majori specie veri dicitur, mi-
racula

racula solius potentiae opera esse, nec sapientiam requiri. Cum enim per miracula mutetur series rerum, quae ex Wolfii hypothesi, ita sunt connexae, ut si vel minima mutatio hanc combinationem intertrumperet, necessitate sit, novum plane mundum existere; sua sponte sequitur, quoties miracula contingunt, toties novum utique mundum oriri, aliter jam constituta universa rerum serie. An vero minorem sapientiam postulat, novam plane sepiem ita ponere, ut attingatur finis; neque famen ceterorum finium ordo turbetur? Praevisae quidem huic objectioni obviam ire conatur Wolfius (b) dicendo: se miracula tum demum, ut solius potentiae opera, ordinario operandi modo, tanquam sapientiae simul argumenta postponere, si mundus fingatur, ubi omnia per miracula fierent, quae nunc ordinaria via eveniunt; in eo autem casu, quo ad assequendum finem, naturali modo non obtinendum, miracula inseruntur quasi eidem universaliterum catenae, & cum iis in unum sistema combinantur, quae secundum naturalem agendi modum eveniunt, esse illa quoque opera sapientiae. Qua vero ratione haec exceptio cum aliis viri Celeberrimi assertis in concordiam reduci queat, cum ignarissimis me ignorare fateor. Confidentialissime enim afferit, harmoniam universalem sitam & fundatam esse in immutabili Dei sapientia, bonitate & potentia; per miracula vero turbari ordinem naturae, & harmoniam universalem everti, nec restitui, nisi Deus eodem momento, coexistentium infinites infinite multarum totius universi substantiarum representationes & relationes, operatione similiter immediata & supernaturali mutaret, & singulis inferret, quod mutationi, ab initio factae, responderet. (c) Ecquis vero, ut alia bene multa siccō, quod ajunt, præteream pede, miracula sapientiae dixerit opera, si sapientiae repugnant, & tantam inferant disharmoniam, nisi infinites multiplicaren-

plicarentur, adeoque desinerent esse miracula. Sed ponamus tantisper, exceptionem modo laudatam cum istis hypothesisibus conciliari posse; inde tamen nihil sequitur, praeter id, quod ulti largimur, miracula communis naturae ordini non praferri, nisi id, quod a Deo intenditur, vel plane non, vel non aequa facile, cito ac plene obtineri queat. Verum, num hinc evidens est ratio, cur peccatum Divinitus per miraculum non impediatur? Nonne res digna erat miraculo, tantam molem mali, imprimis vero moralis, avertere? Si ad hominem lapsum, pristinæ integritati restituendum, tot miracula adhibet Deus; cur sapientia ejus non conveniens esset, miraculum edere ad lapsum omnino impediendum? Rationem non expeto specialissimam, ut momenta in decreto de malo non miraculose impediendo seorsum & ex omni valore determinate enumerentur: sufficit generalis, eaque Deo digna; quam, qui in doctrina Wolfii de miraculis queruntur illi, ut ex dictis patet, irrito laborant conatu.

(a) Cog. Rat. § 1059. (b) in Annot. Metaph. § 395. seq.
Cog. Rat. § 1042. (c) Wolf. Theol. Nat. p. I. §. 666.
740. 741. 1010.

§. XI.

Neque firmiori nituntur fundamento, qui, ut seripulum, § IX allatum, tollant, ad præscientiam Dei provocant. Cum enim, ajunt, prævideret Deus, creaturas per libertatis sue abusum, nulla excusatione dignum, a sanctissima voluntatis sue norma aberraturas esse; non videtur aeternæ iustitiae ratio magis permettere potuisse, ut decerneret, peccato vicinas creaturem, miraculose impeditre, quam ut statueret, peccatum, jam commissum, inultum relinquere. Impeditio eni illa peccati supponit peccatum, nisi interveniret Divinum impedimentum, certo & infallibiliter futurum. Ergo sanctissimo peccati vindice non dignum videtur, per miraculum impeditre, quominus creature, arbitrio suo reliæ, in peccatum simul ac peccati poenas voluntario ruerent impetu. Sælicet, qui ita calculos subducunt, illi concedunt quidem, in homine, futura contingentia vix levè suspicione asequent, vindicavit iustitiam ante peccatum jam commissum, locum non habere; ast, cum Deo futura sint veluti præsentia,

ejusque præviso recipia simplex sit visio; simul urgent, peccatum certe
comittendum, Divino judicio estimatum fuisse, ut jam comissum; adeo-
que justissimum decretum de puniendo peccato, olim futuro, simul
involuisse consilium de non impediendo eodem peccato. Si quis vero
dixerit, hujus sententia patronos non satis distinctum sibi de imputacione
formasse conceptum, æquior esse volo, quam ut id ægre feram. Equis
aliud enim importat imputatio, quam declarationem, ad quem factum li-
berum existens ejusque confessaria pertineant? Quam verum igitur est,
illam supponere factum, non absolute futurum, nec conditionate tale, sed
re ipsa existens; tam certum quoque haberi debet, ex sola Dei prævisione
peccata non posse nobis imputari. Accedit, quod licet vel maxime in Deo
non nisi unicus detur decernendi aës, omnia in universum rerum crea-
torum facta & fata, distinctissime cognita complexus, in signo tamen ra-
tionis decretum de non impediendo peccato præcedat decretum de eodem
puniendo; cum poena relationem involvat ad antecedens delictum. Unde
primum est colligere, sapientia pariter ac justitia Divina non fuisse conve-
niens, ut permissionem peccati in poenam ejusdem decerneret.

§. XII.

Accuratori lanee rem ponderant, eamque ipsam, ut dicere amant,
seu tangunt, qui in libertate humana, cum fine creationis ultimo in nexus
spectata, rationem querunt, cur Deus aënum voluntatis, in malum ruentis,
per salvaciones gratiosas, aliave extraordinaria motiva non impeditiverit. Quod
si enim hæc adhiberentur motiva, id utique eam fieret ob causam, quod si-
ke his Protoplasti, supina negligentia voluptatum illecebris irretiti, non
essent in bono perseveraturi. Nam motiva, in se spectata, libertatem quidem
nec tollunt, nec sufflaminant; interim tamen cum nova hæc & extraordinaria
id efficerent, ut anima vellet ea, quæ sine his nollet; patet, Deum, si nova sup-
peditasset motiva, non permisisse, ut Protoplasti, quo vellent, libere sefe-
determinarent. Quam ob rem, cum actio illi in primis sit tribuenda, a quo
originaliter pendeat; (per princ. Jur. Nat.) non ipsis, sed Deo impu-
taretur obsequium legi Divina præstandum. At finis creationis ultimus
postulavit, ut in statu exploratorio constituti, quod vellent, eli-
gerent, electumque, pro sua ad legem relatione, illis vel in præmium,
vel poenam imputaretur. Ergo nova ista & extraordinaria motiva non
adhibere præstitit, quam amplissimo hoc excidere sine.

TANTUM.

